

# Te Mahere Mahi Tautoko Hauātanga me te Akoranga Hukihuki

Putanga tuhinga anake

# Ngā Ihirangi

<b>Te Mahere Mahi Tautoko Hauātanga me te Akoranga hukihuki.....</b>	<b>4</b>
<b>Ngā wāhi matua .....</b>	<b>5</b>
1. Te whakapai ake i te aromatawai i ngā tamariki me ngā taiohi mō ngā hiahia akoranga.....	5
2. Te whakakaha i te awhe o ngā tautoko mā ngā tamariki me ngā taiohi whai hauātanga me ngā matea ako tāpiri.....	5
3. Te whakapai ake i te āhua o tā tātau urupare ki ngā ākonga hinengaro rerekē, pūmanawa hoki.....	6
4. Kei te tautoko akoranga ngā rauemi hei whakanui ake i ngā tautoko me ngā ratonga.....	6
<b>Ngā hononga o Te Mahere Mahi Tautoko Hauātanga me te Akoranga ki ngā kaupapa pūnaha mātauranga whānui ake .....</b>	<b>7</b>
Te ohu mahi mātauranga .....	7
Oranga me te pakari.....	7
Ngā raraunga me te arotakenga.....	7
<b>Te whakawhānui ake i te taura tuku tautoko akoranga .....</b>	<b>8</b>
Te taura tuku tautoko akoranga.....	8
Kaitakawaenga Tautoko Akoranga.....	8
Ngā Kairuruku Tautoko Akoranga .....	9

**He motika tō ia tamaiti, taiohi hoki ki te mātauranga.**

**1 te tamaiti, taiohi hoki i roto i te 5 ka hiahia i tētahi momo tautoko tāpiri mō ō rātau akoranga.**

**Ko te kaupapa o te mātauranga manaaki he whakarite ka whai wāhi mai ngā tamariki katoa ki te mātauranga, te ako me te whakatutuki ahakoa ō rātau matea, rerekētanga hoki. E kōrero ana te tautoko akoranga mō te tautoko tāpiri me whai ētahi tamariki, taiohi hoki hei whakauru me te whakatutuki i roto i te mātauranga.**

**Ko te whāinga o te Mahere Mahi Tautoko Hauātanga me te Akoranga hukihuki he waihanga i tētahi pūnaha mātauranga manaaki e āhei ana ngā tamariki, taiohi me ngā tamariki whai matea ako tāpiri te whai wāhi atu. E uaratia ana, e tautokona ana tō rātau whakatutukitanga, anga whakamua, oranga me te whai wāhi mai.**

**Kāore anō tātau kia tae ki reira. Kua whakaputahia e ngā tamariki me ngā taiohi he matea hauā, he whai matea ako hoki, ō rātau mātua, kaitiaki, whānau me ngā rāngai mātauranga ō rātau māharahara e pā ana ki te whaitake o te pūnaha mātauranga. Ka kitea ēnei māharahara i roto i te āhua o te whai wāhitanga me te whakatutukitanga mō ngā tamariki me ngā taiohi he matea hauā, he whai matea ako rānei.**

# Te Mahere Mahi Tautoko Hauātanga me te Akoranga hukihuki

He mea waihanga te Mahere Mahi hukihuki nā ngā whakahokinga kōrero mai a ngā mātua me ngā whānau me ngā rāngai hauātanga me te mātauranga, ā, i uru atu ēnei kōrero ki te Whakahou Tautoko Akoranga 2015 me te Uiui a te Komiti Whiriwhiri e pā ana ki te tautuhi me te tautoko i ngā ākongā e pāngia ana e te mate tīpaopao kupu me te mate whakakori me te takiwātanga i roto i ngā kura tuatahi me te tuarua.

Ko te whāinga o te Mahere he kōkiri i te anga whakamua ki tētahi pūnaha mātauranga manaaki e tauawhitia ana ngā tamariki me ngā taiohi whai matea ako tāpiri, hauātanga hoki, ā, e uarautia ana, e tautokona ana tō rātau whakatutukitanga, anga whakamua, oranga me tō rātau whai wāhi mai. E whai ana ki te whakapakari haere ake i ngā mahi onāiane, tae atu ki te Tauira Tuku Ratonga Akoranga me te Takahuritanga o te Pūnaha Hauātanga a te Manatū Hauora.

He mea waihanga te Mahere Mahi hukihuki ki te aro ki tētahi tirohanga ā-pūnaha mō ngā hiahia me ngā kaupapa matua. E marohi ana i ngā kaupapa matua maha mō ngā tau e heke iho nei. Me whakataurite e tātau te āhuatanga i waenga i te whakakaha i ngā tautoko i rō kura me te whakapiki i te tuku ratonga i roto i ngā rawa e wātea ana.

Me whakatinana ā-wāhanga haere, me whakaraupapa haere mai rānei i roto i te wā. He tohu ia mahi, ā, kei runga i ngā hua o te whakawhitiwhiti kōrero, ngā mahi kaupapahere anō me ngā whakataunga tuku pūtea. Kei runga i ngā whakataunga pūtea a te Kāwanatanga ngā mahi hou i mua i te whakatinanatanga.

Ka rata ā-ahurea ngā mahi katoa, ā, ka waihangatia kia mōhio ai ki ngā hiahia ahurea tauwhāiti me te horopaki o ngā tamariki me ngā taiohi Māori me ō Te Moananui-a-Kiwa me ō rātau whānau.

Ka tūhono anō te Mahere Mahi ki ētahi atu kaupapa matua a te Kaupapa Mahi Mātauranga pērā i Te Arotake o Ngā Kura mō Āpōpō, Te Arotake i a NCEA, te Rautaki Akoranga Kōhungahunga, ngā rautaki mātauranga Māori me Te Moananui-a-Kiwa, me te rautaki Oranga o te Tamaiti tari kāwanatanga whānui.

# Ngā wāhi matua

---

*E whā ngā wāhi matua.*

---

## 1. Te whakapai ake i te aromatawai i ngā tamariki me ngā taiohi mō ngā hiahia akoranga.

E hiahia ana mātau kia tere ake te tautuhi i ngā hiahia katoa o ngā tamariki me te urupare tōmua ake.

### Ngā utauta aromatawai i ngā hiahia

E marohi ana mātau ki te mahi i tēnei mā te mahi me ngā tari kāwanatanga whānui, tae atu ki te Manatū Hauora ki te waihanga i ngā whakaritenga whānui me ngā utauta i roto i te reo Ingarihi me te reo Māori e mahi tahi ana ki te tautuhi me te tātari i ngā hiahia o ngā tamariki i ngā wāhanga rerekē o ō rātau akoranga kura. Kei roto pea i tēnei ko:

- Ngā tiroirohanga hauora whānui i te tau 3
- Te ōrite o te ine haere i ngā hiahia o ngā tamariki i te urunga tuatahi ki te kura
- Me tātari mō te mate tīpaopao kupu (dyslexia) me te mate whakakori tinana (dyspraxia) i waenga i ngā tau 6 me te 8
- Me tātari mō ngā pūmanawa i waenga i ngā tau 6 me te 8
- Ngā tiroirohanga hauora me te oranga arowhānui ina neke atu ngā tamariki mai i te kura tuatahi ki te kura tuarua.

### He kohikohi raraunga tōpū

E marohi ana mātau ki te waihanga i tētahi tukanga kohikohi raraunga tōpū me te pūnaha e taea ai ngā taumata katoa o te uru tika ki ngā kura kia pai ake ai te whakarato ki ngā hiahia o ngā ākonga puta noa i te motu. Mā tēnei kohinga raraunga tōpū ka taea e te Kāwanatanga ngā hiahia te tautuhi hei mahi rangahau, te whakarite kia taea ai te waihanga whakamahere i te whakarato rauemi me te whakamahere i ngā ohu mahi anamata.

Ka whai hua mātau i ngā mahi e kauneka haere ana mā te kaupapa Ngā Raraunga Mātauranga Kōmitimiti ([iEd](#)), otirā te Kaupapa Tuari Mōhiohio Ākonga ([SISI](#)) kei roto i aua mahi.

## 2. Te whakakaha i te awhe o ngā tautoko mā ngā tamariki me ngā taiohi whai hauātanga me ngā matea ako tāpiri.

E hiahia ana mātau ki te whakakā i ngā whāruarua ratonga onāiane kei roto i te pūnaha kia wātea ai ngā urupare e piki haere ana e pai ake ana whakatutuki i ngā hiahia o ngā ākonga katoa, me ngā tamariki me ngā taiohi e noho mōrea ana.

E marohi ana te whakatutuki i tēnei mā te:

1. **Whakatū i tētahi Kairuruku Tautoko Akoranga** (e mōhiotia ana ko te Special Education Needs Coordinator, SENCO rānei), i roto i ngā kura, hei tautoko i ngā kura ki te whakapakari i te kaha me te mōhio o ngā kaiako, ā, kia noho hoki ko ia hei takawaenga mō ngā mātua me ngā whānau
2. Tuku i ngā **tautoko ngāwari ake i hangaia ngātahitia** mā ngā tamariki me ngā taiohi kāore i te āhei atu ki te Ongoing Resourcing Scheme (ORS), me ngā ākonga hinengaro rerekē
3. Nui ake o te haumi i roto i ngā ratonga **wawaonga** puta noa i te hauora me te mātauranga.
4. Whakatinana i tētahi tukanga **whakatau wenewene** kia whai wāhanga whai ake ai ngā mātua, whānau me ngā kura mēnā he raruraru

5. **Whakapai ake i ngā tautoko mā ngā taiohi e noho mōrea ana** kia haere ai ngā ākonga katoa ki te kura, ki ngā kaupapa whakangungu, mahi rānei
6. **Ngā whakawhitinga:** Te tautuhi i ngā tautoko tāpiri kia āhei atu ai ngā taiohi whai matea tautoko ako ki ngā rārangi akoranga kura tuatahi/tuatoru, ngā tohutohu umanga mahi me te whakawhiti ki te mātauranga teitei ake.
7. Te mahi me te Manatū Hauora ki te **whakahāngai i ngā tautoko me ngā ratonga mai i te hauora me te mātauranga** mā ngā tamariki mai i te whānautanga ki te 8 tau (i roto i te kaupapa whakamātautau a te Manatū Hauora i MidCentral mō te Takahuritanga Pūnaha Hauātanga).

**Kia mōhio:** ka whiriwhiria e mātau ngā rerekētanga ka taea i roto i ngā hiahia tuku ratonga mō ngā wāhi tuawhenua me ngā tāone.

### 3. Te whakapai ake i te āhua o tā tātau urupare ki ngā ākonga hinengaro rerekē, pūmanawa hoki

Ko te manako kia whakatutuki ngā tamariki me ngā taiohi he hinengaro rerekē (me rātau he mate tīpaopao kupu, mate whakakori me te takiwātanga) me te pūmanawa hoki/rānei i ō rātau pūmanawa nohopuku.

E marohi ana te whakatutuki i tēnei mā te:

1. **Whakapiki i te kaha o te kaiako:** te tautoko i ngā kaiako kia mōhio ai me te urupare ki ō rātau hiahia, me te tūhura i ngā kōwhiringa mō te whakangungu kaiako tuatahi (ITE) me ngā akoranga ngaio me te whanaketanga (PLD).
2. Te tuku **mōhiohio atu anō** mō te whakaako me te ako e pā ana ki ngā ākonga hinengaro rerekē, me te tūhura i te whaihua o ngā utauta hōu.
3. Te mahi tahi me ngā mātanga i roto i te rāngai ki te whakarato **tautoko arotahi ngāwari** hei whakatutuki i ngā whakapātari tauwhāiti e pā mai ana ki ngā ākonga pūmanawa, hinengaro rerekē hoki i roto i te kura tuarua.

### 4. Kei te tautoko akoranga ngā rauemi hei whakanui ake i ngā tautoko me ngā ratonga.

Ko te hiahia kia mātua whakarite ka whakaratohia ngā rauemi hei whakatutuki i ngā hiahia kua tautohua, ā, kia ngāwari hoki kia taea ai tēnei te mahi tika.

E marohi ana te whakatutuki i tēnei mā te:

1. Urupare ki ngā pēhitanga utu puta noa i ngā tautoko tauwhāiti pērā i Ngā Kura Motuhake ā-Noho, Wawaonga Tōmua, me Te Kahu Toi, Te Reo Rotarotoa o Aotearoa me te mātauranga Turi.
2. Whakamārama i te mahi a ngā kura motuhake, noho hoki, me ngā wāhanga mamao me ētahi atu whakaurunga i roto i ngā hapori whakarato.

He mea nui kia whai i te tauritenga tika i waenga i te whakaritenga pai ake o ngā ratonga, te tautoko i ngā kaiako, te tautoko i rō akomanga me ngā ratonga tangata ki te tangata.

# Ngā hononga o Te Mahere Mahi Tautoko Hauātanga me te Akoranga ki ngā kaupapa pūnaha mātauranga whānui ake

## Te ohu mahi mātauranga

Ko te hiahia kia whiwhi ngā ratonga kura kōhungahunga me ngā kura i te ohu mahi e hiahiatia ana hei whakatutuki i ngā hiahia o ngā ākongā katoa.

**Mahi e marohitia ana:** Ko te whakarite kia whakaurua te ohu mahi tautoko akoranga i roto i te Rautaki Ohu Mahi Mātauranga ka whiriwhiri i ngā whakangungu kaiako onāiane, ngā akoranga ngaio me te whanaketanga, me te kauneke ahu mahi i roto i te tautoko akoranga.

## Oranga me te pakari

Ko te hiahia kia āhei atu ngā wāhi akoranga katoa ki ngā tautoko e hiahiatia ana e rātau hei hāpai i te oranga o te akoranga, kia tino whai wāhi mai ngā tamariki me ngā taiohi ki ngā akoranga.

**Ngā mahi e marohitia ana:** E whakarite ana mātau ki te:

- mahi tahi puta noa i ngā tari kāwanatanga ki te waihanga i ngā tautoko kaha ake, whakahonohono ake, puta noa i ngā tari mō te oranga, ngā take hinengaro hauora me te ārai i te whakawetiweti
- whakarite ka whakaekea ngā hiahia o ngā tamariki me ngā taiohi hauā me ngā matea tautoko akoranga ka whakaurua ki te Ratonga Oranga o te Tamariki puta i ngā tari kāwanatanga

## Ngā raraunga me te arotakenga

Ko te hiahia kia whai mōhiohio kounga kia oti ai ngā whakatau i runga i te mōhio puta noa i te pūnaha me te whakapai ake i ngā tautoko mā ngā tamariki me ngā taiohi katoa.

**Ngā mahi e marohitia ana:** E whakarite ana mātau ki te:

- waihanga i ngā kawa tuari raraunga kia taea ai ngā raraunga i kohia mō te hauātanga me ngā matea tautoko akoranga te tuari puta noa i ngā tari me ngā kaiwhakarato me te tiaki tonu i te tūmataitinga o te tangata.

# Te whakawhānui ake i te tauira tuku tautoko akoranga

---

*Ka whakawhānui ake te Mahere Mahi Tautoko Hauātanga me te Akoranga i te Tauira Tuku Tautoko Akoranga hou.*

---

Kei te whakatinanahia he Tauira Tuku Tautoko Akoranga hou i tēnei wā, ā, ka whakatinanahia hei te mutunga o te 2019. E marohi ana mātau ki te whakawhānui ake i tēnei aronga huapai me tētahi tūranga hou: Kairuruku Tautoko Akoranga.

Ko tēnei turanga:

- te wāhi tūtaki matua mō ngā mātua me ngā whānau, me te tautoko i a rātau ki te mahi tahi me te kura
- ka tautoko i te kura ki te whakapakari i te kaha me te mōhio o ngā kaiako
- ka tuitui hononga mō ngā whakawhitinga mai i ngā ratonga kura kōhungahunga.

## Te tauira tuku tautoko akoranga

Kei te whakatinanahia he Tauira Tuku Tautoko Akoranga hou i tēnei wā, ā, ka whakatinanahia hei te mutunga o te 2019. He mea waihanga i runga i ngā whakahokinga kōrero mai a ngā mātua me ngā whānau me ngā rōpū rāngai hauā me te mātauranga.

He mea whakawhanake te tauira Tuku Tautoko Akoranga hou i runga i ngā whakahokinga kōrero mai a ngā mātua me ngā whānau me ngā rōpū nō te rāngai hauā me te mātauranga. He whakahiato mai i ngā tikanga pai rawa o te ao, me ngā kaupapa kei Hinerangi, Ahitereiria, USA, Kōtimana, Ingarangi me Hingapoa.

E ono ngā huanga matua o te tauira hou:

- he wāhi tūtaki e mōhiohia ana mō te whānau - he tangata e mōhio ana rātau kei te tuwhera ki te tuku mōhiohia me te tautoko i a rātau.
- he mahere kotahi e whakarato ana i ngā tautoko tūhonohono hei whakatutuki i ngā hiahia o ia tamaiti, taiohi hoki
- e mahi tahi ana ngā kura, ratonga kura kōhungahunga me ngā kōhanga reo me ngā mātanga, iwi, kaiwhakarato hoki ki te tautuhi he aha ngā hiahia o tō rātau hapori me te whakatau i ngā kaupapa matua
- kia ngāwari ake ki te waihanga i ngā tautoko hāngai ake e auaha ana, e rata ana hoki
- he takawaenga ki te whakahuihui mai i ngā kaiwhakarato mātauranga, ratonga hoki o te rohe ki te mahi ngātahi
- he tuari raraunga kia taea ai e ngā ratonga te mahi tahi ki te tautoko i ngā ākonga takitahi me te mārama mōhio ki ngā hiahia o te rohe me ngā rauemi e hiahia ana puta noa i te hapori

## Kaitakawaenga Tautoko Akoranga

He mahinga tēnei e utua ana e Te Tāhuhu o Te Mātauranga i tēnei wā, ā, e whakahaerehia ana e ngā kaimahi onāianehei hei wāhanga nō te tauira whakaratonga tautoko akoranga.



Ka mahi tahi te Kaitakawaenga Tautoko Akoranga me ngā kaiwhakaako e mārama ana ki ngā hiahia o tō rātau hapori akoranga me rātau e tuku ana i ngā ratonga ki te tautohu i ngā hiahia puta noa i te hapori, te tuari raraunga me te tuku whakatau mō te whakamahinga a ngā rauemi paetata.

Ko tēnei mahinga i tēnei wā:

- he wāhi whakapā me te tūhono ōkawa ki ngā ratonga hauātanga me te akoranga e wātea ana puta noa i ngā tari mātauranga me ētahi atu tari kāwanatanga, ā, ka taea te mahi tahi me te tūranga Kairuruku Tautoko Akoranga.
- he tautoko i te whakariteritenga o te akoranga ngaio me te whanaketanga
- he whakatū i ngā āhuatanga hei whakarite ka whakaata te tukanga whakatau tikanga i ngā hiahia me ngā whakaaro o ngā mātua me te whānau
- he tautohu i ngā tauira o ngā hiahia i roto i tētahi kāhui, Te Kāhui Ako rānei; te tautoko i te whakaritenga o ngā akoranga ngaio me te whanaketanga; me te mahi i te taha o ngā tari pēra i te Poari Hauora ā-Rohe, Ngā Pirihimana o Aotearoa, Oranga Tamariki me Te Manatū Hauora

---

### *He tūranga hou*

---

E hiahia ana ki te whakawhānui ake i tēnei kaupapa mā te whakauru mai i tētahi tūranga kairuruku tautoko akoranga i te kura. Ka mahi tahi tēnei tūranga me te Kaitakawaenga Tautoko Akoranga.

#### **Ngā Kairuruku Tautoko Akoranga**

Mō te Kairuruku Tautoko Akoranga (e mōhiotia ana ko te Special Needs Coordinator, SENCO rānei i mua) me whakaae te pūtea i mua i te whakaūnga, te whakatinanatanga rānei.

Ko tēnei turanga:

- te wāhi whakapā matua mō ngā mātua me ngā whānau, me te tautoko i a rātau ki te mahi tahi me tō rātau kura
- ka tautoko i te kura ki te whakapakari kaha me ngā mōhio i roto i ngā kaiako Ka taea ngā tohu motuhake te riro mai i roto i te wā, engari ehara i te mea me whiwhi i te tīmatanga.
- he tūhono ki ngā ratonga kura kōhungahunga hei whakangāwari i ngā neke mai i te kura kōhungahunga ki te kura tuatahi.

Kei te whakawhitihiti kōrero mātau mō te whakawhanaketanga o tētahi whakaaturanga mahi e whai whakaaro ana ki ngā āhuatanga kura i ngā wāhi tāone, tuawhenua hoki.